

Comentario

mr. EDDY CROES A DESTACA COMO MINISTRO DI ENSEÑANZA

Pa: Mercedes Abdul

E acto di huramentacion di e ministernan cu ta bay forma e gobierno nobo a tuma lugar ayera y mescos cu semper cu tin cambio di gobierno, di cual partidonan cu ta, tin mandatarionan cu ta parce di a pasa sin pena ni gloria durante nan mandato, y tin cu si ta laga un seyo sea pasobra nan a haci un bon gobierno of un mal gobierno.

Pa loke ta trata e cambio den e cartera di educacion tin varios maestro activo y tambe algun pensionado cu ta reconece cu Mr. Eddy Croes a destaca como Ministro di Enseñanza, y nan ta convenci cu si como titular e lo por a move mas placa dentro di su tereno, e lo a haci esey sigur na bienestar di enseñanza y di e maestronan mes.

Segun algun comentario, hasta tin cu ta considera Mr. Eddy Croes como e ministro di enseñanza cu a haci e mehor trabao durante e delaster añanan, contando e gobernacion di Partido MEP aden.

Y no ta trata necesariamente di hende cu ta defende e partido berde of cu tin algo contra e partido geel, simplemente ta personanan involvi den enseñanza cu ta kere cu Mr. Eddy Croes a haci tur esfuerzo pa maneha bon, dentro di cualquiere limitacion cu por a presenta, un cartera tan dificil manera esun di enseñanza, y ta na su lugar pa duna "Dios loke ta Dios y Cesar loke ta di Cesar".

E fruto di su esfuerzo ta bisto, por ehemplo, den e desaroyo di EPB, introduccion di EPI, culminacion di e proyecto di un edificio propio pa IPA, realizacion di e proyecto di gimnasio riba tereno di Colegio Arubano, School Scucha Nos cu a haya mehora cu su respaldo, y e sosten cu e mandatario a duna na e diferente iniciativanan di cambio cu a surgi for di e gremio mes di nos educadornan.

Un punto masha na favor di e awor ex-ministro Eddy Croes ta cu no solamente e tabata docente y a traha cu conocimiento di causa, pero tambe como ex-dirigente sindical, apesar di e diferencianan di opinion entre su persona y e sindicato tog nan a logra di mantene un relacion di respet mutuo y di dialogo.

Logicamente cu den corto tempo e mandatario no por a logra tur cos, pues no mester lubida cu tin cosnan cu no a depende solamente di dje, manera e aspecto material (placa).

Pero cu el a traha duro, y a pone alma, mente, curpa y curazon den su trabao esey sigur!

No cabe duda cu Sra. Mery Wever tin un reto enorme su dilanti. Supera e trabao di Mr. Eddy Croes kizas lo bira un mision imposible pa e dama, pero alomenos e mester yega na su mesun altura maske cu e no tin e experiencia ni conocimentonan den docencia, di ex-ministro Croes.

Esaki no kiermen cu Sra. Wever lo no por haci un bon trabao, ni cu su compromiso como ministro di enseñanza ta menos, pero si cu e mester asumi e cargo aki cu e pensamiento cu henter e gremio di docente na Aruba no ta spera menos di dje, cu loke nan a ricibi di Mr. Eddy Croes, y ohala hasta mas... pues un tarea nada facil e dama tin su dilanti.

Na titulo personal mi ta probecha pa gradici Mr. Eddy Croes e tempo cu el a reserva pa mi como periodista, den tur e ocasionnan cu mi a acerca su persona en busca di informacion, y cu semper a resulta hopi valioso pa nos trabao. Danki y hopi exito den su metanan futuro!

Opinion

No mester exagera cu number di Betico

E decision pa laga cambia number di aeropuerto di Aruba pa haci esaki bira Aeropuerto internacional Libertador Betico Croes ta algo cu den cierto sentido a cuminsa bay mucho leu.

Betico Croes a haya hopi elogio y reconocimiento caba pa su trabao y e lucha cu el a hiba pa pais Aruba y su pueblo, pero pa bay cambia number di aeropuerto di Aruba tambe pa duna esaki number di Betico ta algo cu ta bayendo den direccion cu den futuro ta tur luga na Aruba mester bay carga number di Betico?

Betico a haya un plaza y un estatua na su honor.

Caya principal den Playa y cu ta core te Santa Cruz ta carga number di Betico.

Sporthal na Santa Cruz ta carga number di Betico y pronto un estatua nobo y mas

Homber a lanta contra su wela

ORANJESTAD (AAN): Presencia di Polis tabata necesario pa intermedia entre wela y nieto. Polis a worde acerca pa e wela, cu a splica kico ta pasando.

Segun e Wela, su nieto di inicial A.K. a menaze, y e nieto a bay asina leu pa pone cantidad di cadushi riba tereno cual el a laga limpi. Parce cu e nieto lo a pone e cadushinan riba e tereno debi cu Wela lo a bende e tereno y el a rabia.

Mas ainda cu nieto no a haya nada for di e benta aki. Polis a intermedia y tranquilidad a regresa.

INVITADO A PERDE

CARSON DILANTI CLINTON

WASHINGTON (AFP): Un americano di origen coreano, gravemente discapacita a perde su carson y keda sunu dilanti president Bill Clinton, tratando di lanta cu dificultad di su rolstoel pa saluda e mandatario durante cena di estado na honor di president di Zuid Korea, Kim Dae Jung.

Clinton a sigui saluda e presentenan y actua manera nada a socode mientras cu sobriño di e invitado a keda yuda su omo kende a sufrir un atake di corazon algun aña pasa, segun fuentenan di Cas Blanco.

grandi di Betico lo worde inaugura.

Parlamento di Aruba a bay di acuerdo pa duna Betico e titulo oficial di Libertador di Aruba y ta kico mas mester worde duna na Betico?

Ta keda honor over pa otro yunan di tera despues cu bay cambia number di Aeropuerto di Aruba tambe pa Betico Croes?

Juancho Irausquin cu tambe a logra hopi pa Aruba a haya su estatua y un plaza na su number y awor mester bay satura pais Aruba su lugarnan cu e number di Betico?

Tin mas yiu di tera cu te awe no a haya reconocimiento pa loke nan a haci sea directo o indirecto pa nan pais.

Dicon no ta cambia number di aeropuerto di Aruba pa duna honor na Boy Ecury cu a muri como heroe durante di Dos Guerra Mundial pa asina evita envolvimento di politica den dunamento di honor na yunan di tera?

Te con leu lo sigui cu dunamento di honor na Betico Croes?

Arubianonan cu ta haci uzo di nan derecho di libertad di expresion.



Vraagt:

- Airco Monteurs
- (Meewerkende) Voormannen Airco Dept.
- Electriciëns
- Werkvoorbereider / Calculator Airco Dept.
- Assistent Calculator t.b.v. Airco Dept.
- Automatiserings- & Organisatie deskundige
- Boekhoudster

Gelieve uw schriftelijk sollicitatie te richten aan de Directie van CHS te Sta. Martha z/n

Zonder ervaring onnodig te solliciteren

Tel: 851413 / Fax: 851312

Caribbean Town Beach Resort



Caribbean Father's Day Package For Only Afl. 299,=

2 nights/3 days

Package Includes:

- *Room & Service charge maximum of four persons in room
- *Two day's Breakfast for Daddy
- *One liquor and snacks basket per room
- *Free special beach facilities
- *Daddy will be a V.I.P. in the: Caribbean Touch Cocktail Lounge on Sunday during the "Mundial Francia 98" games and we will treat Daddy a BBQ platter and a drink of his choice
- *\$3.00 casino matchplay coupon per adult in room

For your reservations please call: 823380 Fax: 833208